

## Nias - Wa'amate Mbuku Ni'amoni'ö - Free from Death Scriptures

Roma 6:23 Loeo horõ sa, ba fa'amate, ba boeala fa'eboea dõdõ Lowalangi andrõ, ba no fa'aoeri si lõ aetoe ba chõ Keriso Jesoe, So'aja ja'ita.

Roma 8:2 Noa sa i'efa'ö ndra'oegõ ba goroisa horõ ba ba goroisa ba wa'amate andrõ oroisa Geheha sangorifi andrõ, ba chõ Keriso Jesoe.

Dimoteo II. - 2 Timoteo 1:10 nifa'ele'ö iada'e, ba wa'ato'ele zangorifi ja'ita andrõ, Keriso Jesoe, si no mamakiko fa'amate andrõ, ba si no mangasogõ fa'aoeri ba fa lõ tekiko, moroi ba doeria somoeso dõdõ andrõ,

Jobi - Yobi 5:2 Ba zambõ tõdõ, ba mõi famoenoenia walõsõchisõchi dõdõnia, ba sowõhõ mowa, ba iboenoe fõchõ dõdõnia.

Hosea 13:14 Hadia, oefagi chõra wa'afeba wa'abõlõ mbanoea tooe, oe'efa'ö ira ba wa'amate? Hezo wõchõ andrõ chõoe, ja'oegõ fa'amate? Hezo wamakao andrõ chõoe, ja'oegõ banoea tooe? Lõ'ö sa'ae oe'ilä wa'ahachõ dõdõ!

Zinoenõ 9:14 Eboea'ö dõdõoe chõgoe, Jehowa, faigi wamakao zi fa'oedoe andrõ ja'o; ja'oegõ, samazawa ja'o moroi ba mbawandroehõ ba wa'amate andrõ.

Jobi - Yobi 6:26 Hadia, mitegroe daroma li, niwa'ö? — Fehede zaragoeragoe tõdõ, ba hoemombo ba nangi!

Jobi - Yobi 33:22 Tobali sahatõ ba lewatõ nosonia, no sahatõ ba mbechoe samoenoie niha.

Hezekieli 37:12,13 Ba ama'ele'ö, õmane chõra: Da'ö niwa'ö Zo'aja, Jehowa: Hiza, oebokai lewatõmi ba oehalõ jawä ami, moroi ba lewatõmi, ja'ami banoeagoe, ba oe'ohe ba danõ Ndraono Gизeraëli ami, ena'ö aboto ba dõdõmi, 13 wa no ja'odo Jehowa, na oebokai lewatõmi, ba na oehalõ javä ami moroi ba lewatõmi, ja'ami banoeagoe.

Matai'o 27:52 ba teboka lewatõ ba oja zi maoso boto niha ni'amoni'ö, si no mate, larõi lewatõ,

Moze I. si Fõfõna 2:7 Ba iwõwõi niha Jehowa Lowalangi, tanõ mbõrõta, nihalõ ba mbenoea ba iwoewoesi ba dõgi nichoenia hanohane fangorifi ba tobali sonoso niha andrõ.

Moze I. si Fõfõna 6:17 Lõ ara tõ sa dania ba anõnõ danõ idanõ oebe'e, ba wangohori fefoe nõsi goeli danõ, si so noso, barõ mbanoea, si javä; fefoe zi so ba goeli danõ ba si tekiko oebe'e.

Moze I. si Fõfõna 7:15 Da'ö zi mõi chõ Noachi, baowo, doeadoea, fefoe nõsi goeli danõ, si so noso.

Moze I. si Fõfõna 7:22 Fefoe zi so noso ba nichoe, si so ba danõ javä, ba mate.

Jobi - Yobi 12:10 Ba zi no tohare hoewa so wa'atoeatoea, ba ba wa'ara ba goeli

danō fao wa'aboto ba dōdō.

Jobi - Yobi 33:4 Eheha Lowalangi zombōi ja'odo, ba hanohanoe Zi lō ambō fa'abōlō wamonoso ja'o.

Halōwō 17:25 tebai gōi tefosoemange ia tanga niha, hoelō na mogoena chōnia hadia ia, me no ja'ia zame'e ba niha fefoe noso ba hanohanoe, awō fefoe hadia ia.

Wama'ele'ō - Fama'ele'ō chō Johane 13:15 Ba tetehe chōnia wamonoso famaedo zaliwaliwa ba danō andrō, ena'ō moehede gōi wamaedo zaliwaliwa ba danō andrō, ba ena'ō ibe'e niboenoe fefoe ha wa'ato zi lō mangaloeloe ba wamaedo zaliwaliwa ba danō andrō.

Johane 10:10 Lō mōi zanagō, na tengā ba wanagō ba ba wamoenoē ba ba wamakiko. Ba da'ō mōi ndra'o, ena'ō so chōra wa'aoeri ba ena'ō fahōna chōra hadia ia andrō.

Jesaja - Yesaja 28:15 Me no miwa'ō: No fawoe'oe li ndra'aga ba wa'amate, ba ba mbanoea tooe andrō, ba no mafataro zamaigimaigi? Na itōrō molō famakao, ba lō iroegiga. Noa sa mabe'e sawatōma waja ba ba'aba'a chōma walimosa!

Jesaja - Yesaja 28:18 Ba fawoe'oesa li andrō chōmi ba wa'amate ba niboenoe [ba zoera] ba hadia niwa'omi ba mbanoea tooe, ba si lō boto. Na itōrō molō famakao andrō, ba imama ami.

Jesaja - Yesaja 5:24 Andrō, hoelō si mane na i'ā ndroe'oe alitō, si mane na ariri ndroe'oe sokoli ba holahola galitō, si manō dania wa tobali obooela ū'ara, awō wa hoemombo mbowora, hoelō gawoegawoe; me lō ba dōdōra gamachoita Jehowa ngahōnō, ba me la'o'aja daroma li Ni'amoni'ō Ndraono Gizeraëli andrō.

Yo'eli - Joëli 1:12 Tōla nagoe ba no mate, ba ara, ba aleoe, ba he dalimo ba ohi ba ma'oefa, ba eoe ba mbenoea fefoe, ba oi matemate; ba noa sa ogo'ō wa'omoeso dōdō nono niha.

Hosea 13:15 He ū'ae no timba geoe sowoea mado Geferaji, ba ngai mado bō'ō andrō, fabaliwara, ba ilaboe zoei angi timoe, angi sabōlō chō Jehowa, ba danō si mate tesao ia, ba tobali ogo'ō nidanō ba mba'a ba aetoe noeloe mbombo. Ba ja'ia [razo Ndraono Gizeraëli] zangohori gamagama andrō fefoe ba na ha girōgirō chōnia.

Wama'ele'ō - Fama'ele'ō chō Johane 22:1 Ba i'oroma'ō chōgoe zara noengo nidanō fangorifi, no ohahaoe, hoelō mbaloeri, si otarai dadaoma Lowalangi andrō ba dadaoma Nono mbiribiri andrō,

Johane 4:10 Itema linia Jesoe, imane chōnia: Na ū'ilā ena'ō mboeala Lowalangi andrō, ba na ū'ilā, ha niha zangoema'ō chōoe: Be'e ū'goe, oebadoe; ba no mangandrō ndra'oegō chōnia mena'ō, ba no ibe'e chōoe nidanō goembroe.

Johane 4:14 ba iroegi zi lo aetoe, ba lō'ō manō owōchi dōdō zamadoe idanō nibe'egoe chōnia, tobali oemboe ba dōdōnia nidanō andrō, nibe'egoe chōnia,

sangoemboengoemboe, sanaŵa fa'aoeri si lõ aetoe.

Gamaeddola 13:14 Famahaõ zatoeatoea, ba no oemboe wangorifi, fangefa ba dandraŵa wa'amate.

Gamaeddola 14:27 Oemboe wangorifi wangata'oefi Jehowa andrõ, ena'õ lõ alaoe ita ba goe'õ famoenoe.

Hezekieli 13:17-23 Ba ja'oegõ ono niha, otahõgõ nono mbanoeami alawe, sama'ele'õ nichoi dõdõra, ba ama'ele'õ nifaoedoegõ chõra, õmane: 18 Da'õ niŵa'õ Zo'aja, Jehowa: Alai ndra alawe andrõ, sanagoe loeniloeni mboelõcha fefoe ba samazõchi baloebaloe hõgõ, sondrozigõ niha, he iraono ba he zatoea, ba wogaigõ niha. Hadia, edõna mifa'oe'oe ōsa chõmi? 19 Ba no mibe'e ba zalacha ndra'o, ba mbanoeagoe, ha mato matonga kata fache mbõli gölõmi ba mato doea mbawa koe, ba wamoenoe niha, salacha lõ mate ena'õ, ba ba wangorifi niha, si lõ tola aoeri ena'õ, me milaoe waja ba mbanoeagoe, si no samondromondrongo faja. 20 Andrõ wa imane So'aja, Jehowa: Hiza, oelaoe ba loeniloeni andrõ chõmi fondra'oemi niha, timba wondra'oe wofo, ba oesõbi ba dangami, ba oe'efa'õ niha andrõ nira'oemi, nifamoloi fofo. 21 Ba oere'a mbaloebaloe andrõ chõmi, ba oe'efa'õ ba dangami mbanoeagoe andrõ, fa bõi sa'ae ahoeloea ira ba dangami, ba ja aboto ba dõdõmi, wa no ja'odo Jehowa. 22 Me no miboesi dõdõ niha satoelõ tõdõ, falimosa, me lõ omasi ndra'o lafakao ira, ba me no mi'abe'e'õ danga zi no mangerogõ Lowalangi, ena'õ lõ ibõhõli mboeaboeania si lõ sõchi andrõ, fa lõ mate ia. 23 Ba bõi sa'ae mi'ilä zi lõ boto ba bõi sa'ae milaoe waetasa, oe'efa'õ sa'ae ba dangami mbanoeagoe andrõ, ba ja aboto ba dõdõmi, wa no ja'o Jehowa.

Jeremia - Yeremia 21:8 Ba ba niha andre, ba õmane: Da'õ niŵa'õ Jehowa: Hiza, oefaedo ia chõmi lala ba wa'aoeri lala ba wa'amate!

Jobi - Yobi 34:22 Lõ si bongi ba lõ sogõmigõmi sibai, ba nibini'õ zamazõchi si lõ sõchi ja'ira ena'õ.

Zinoenõ 16:10 Lõ'õ sa õloeloe ba mbanoea tooe nosogoe ba lõ õtehe, i'ilä satoelõ tõdõ andrõ chõoe wa'obooe barõ danõ.

Zinoenõ 23:4 Ba he oetõrõ mbawa danõ andrõ, si gõna loemõ wa'amate andrõ, ba lõ ata'oedo zi lõ sõchi; awõgoe sa ndra'oegõ; si'ooe andrõ ba we'ewe'e andrõ chõoe, da'õ wondrara dõdõgoe.

Zinoenõ 30:4 He Jehowa! No õ'ohe jaŵa nosogoe moroi ba mbanoea tooe; no õfoeli õ'orifi ndra'o, moroi ba ngai zi no moelalõ mitooe ba gohokoho.

Zinoenõ 49:16 Ba Lowalangi zangefa'õ nosogoe ba wa'abõlõ mbanoea tooe andrõ; ihalõ sa ndra'o chõnia.

Zinoenõ 56:14 Noa sa õ'efa'õ nosogoe ba wa'amate, lõ ahele gahegroe õbe'e ae, ena'õ fõna Lowalangi mowaõwaõ ndra'o ba haga zaoeri.

Zinoenõ 68:21 Lowalangi wangorifi chõda, Lowalangi andrõ, ba Jehowa, So'aja andrõ, ba i'ilä lala wangefa ba wa'amate.

Zinoenō 89:49 Heza so niha, saoeri manō, si lō mangila fa'amate, sangefa'ō bechoenia ba wa'abōlō mbanoea tooe andrō?

Zinoenō 102:20,21 Me no ifaigi moroi ba zalaŵa jaŵa andrō chōnia, ni'amoni'ō; me no inehegō goeli danō Jehowa moroi ba zoroego. 21 Ba wamondrondrongo fangarōngarō nikoeroe andrō, ba wangefā'ō si mate mena'ō.

Zinoenō 116:8 Noa sa õ'efa'ō nosogoe ba wa'amate, no õ'otoefoi dawā hōrōgoe, ba no õ'abe'e'ō gahegroe, fa bōi alaoe ndra'odo.

Gamaeddola 10:2 Ana'a nisōndra ba zi lō atoelō, ba si lō goena; ba fa'atoelō dōdō, ba i'efa'ō ba wa'amate.

Jesaja - Yesaja 26:19 Ena'ō ifoeli aoeri zi mate andrō chōoe; ena'ō ifoeli maoso mboto zi mate andrō chōgoe! Mifaoso, mi'a'iki, ja'ami si no mōrō nibaloegō tanō, namo haga sa namo andrō chōoe ba ifaloea jaŵa loemōloemō tanō andrō.

Johane 5:28,29 Bōi ahōlihōli dōdōmi ba da'ō! Iroegi baŵa dania, ba larongo linia dozi si so ba lewatō, 29 ba mōi ira jaŵa: samazōchi si sōchi, ba ba wemaoso ba wa'aoeri, ba solo'ō si lō sōchi, ba ba wemaoso ba hoekoe.

Johane 10:28 Ba oebe'e chōra wa'aoeri si lō aetoe, ba lō tekiko ira, gōtōgōtō wa'ara ba lō sanōbi ja'ira ba dangagoe.

Johane 11:43,44 Ba me aefa iŵa'ō da'ō, ba i'eboea'ō linia we'ao, imane: He Lazaro, ae baero! 44 Mōi baero zi mate, no moe'olohoeni gahenia ba tangania lembe ba lewatō, ba bawania, ba nibaloegō lembe folosi mbōbōi. Ba imane chōra Jesoe: Mitoto'ō chōnia ba mifofanō ia.

Johane 12:17 Ba lafadoehoe'ō niha sato, si fao chōnia, wa no hoemedē ia chō Lazaro andrō ba lewatō, wa no isoesoegi ba ngai zi mate.

Johane 17:2 Si mane fame'eo barō mbawania fefoe niha, ena'ō idozigō fa'aoeri si lō aetoe nibe'eo chōnia andrō.

Gorindro I. - 1 Korindro 15:19-26 Na ha ba gōtōda andre manōtōna ita, chō Keriso, ba no noemana ita, moroi ba niha bō'ō fefoe. 20 Ba iada'e, ba no moesoesoegi Keriso, moroi ba ngai zi mate, no si a'a ia ba zi no mate andrō. 21 Me no moroi ba niha sa wa'amate andrō, ba moroi ba niha gōi wemaoso zi mate andrō. 22 Hoelō si mane ba chō Gadamo sa, wa ahorri mate ira ba da'ō, si mano gōi ba chō Keriso, ahorri te'orifi ira dania. 23 Ba oi nifōfō'ō: Si a'a, ba Keriso, ba fanetenia, ba tâna chō Keriso andrō, na so ia. 24 Ba awena dania gamozoea andrō, na ibe'e ba danga Lowalangi Ama wamatōrō andrō, na no iheta wamatōrō fefoe ba fa'asalawā fefoe ba fa'abōlō fefoe. 25 Lō'ō sa tola lō'ō, salawā ia, irege no ibe'e barō gahenia zi fa'oedoe, fefoe, 26 Safoeria zi fa'oedoe, niheta, ba ja'ia wa'amate andrō.

Gorindro II. - 2 Korindro 1:9,10 Na ba dōdōma sa, ba no mawā'ō si mate ndra'aga, ena'ō lō madōnadōna ba chōma, ena'ō ha ba Lowalangi andrō, sanoesoegi si mate, madōnadōna. 10 No i'efa'ō ndra'aga ba wa'amate si

manō, ba i'efa'ō na dania; ba chōnia madōnadōna, wa itohoegō na wangefa'ō ja'aga.

Gorindro II. - 2 Korindro 3:6 si no manolo gōi ja'aga, ena'ō tola enoni ndra'aga ba gamaboe'oela li si bohooe andrō, tenga ba dandra zoera andrō, no ba chō Geheha; famoenoe sa dandra zoera andrō, ba Eheha andrō, ba sangorifi.

Golose - Kolose 1:21,22 Ja'ami gōi, me no fabali ami fōna, me no fa'oedoe ami, ba gera'erami, ba mboeaboeami andrō, si lō sōchi, ba no i'atoelō'ō ami iada'e, 22 fa'amate andrō, ba mboto nōsinia andrō, ba wamali'ō ni'amoni'ō ja'ami, si dō sala, si lō sinegoe, fōnania;

Heberao 2:9 Ba ni'ide'ide'ō andrō, tooe mala'ika, si lō ararā, Jesoe, ba ta'ilā, nifo'aja lachōmi ba soemange, bōrō wamakao andrō, nitahania, fa'amate andrō, ena'ō itandra wa'amate, salahī niha fefoe, balazi wa'eboea dōdō Lowalangi.

Heberao 2:14,15 Ba me no ōsi niha gōi nōsi ndraono, ba no itema gōi dána chōnia da'ō, no fachilichili, ena'ō ifakiko ba wa'amate andrō zi so fa'abōlō wa'amate. Afōcha andrō; 15 ba ena'ō i'efa'ō zi no sawoejoe, sagōtō ja'ira, ba wa'ata'oera wa'amate andrō.

Heberao 11:5 Moroi ba wamatī, wa teheta Chenoki, fa lō i'ilā wa'amate, ba lō lasōndra ia, me no iheta ia Lowalangi; fōna wangeheta ja'ia sa'ae tefadoehoe'ō ia, wa no somasi Lowalangi ia.

Wetero I. - 1 Fetero 3:18 Noa sa gōi mate Keriso, zamoeza, ba horō andrō, satoelō andrō, salahī zi lō atoelō, ena'ō i'ohē ita ba Lowalangi; niboenoe sa na dali mboto, ba ni'orifi dali Geheha,

Wetero II. - 2 Fetero 1:3 Me noa sa i'amoealagō chōda, ba wa'abōlō Lowalangi andrō chōnia, fefoe zogoena ba wangorifi ba ba wolo'ō chō Lowalangi, balazi wa'aboto ba dōdōda zogaoni ja'ita andrō, moroi ba lachōmi andrō ba moroi ba wa'asōchi dōdō andrō chōnia,

1 Johane I. 3:14 No ta'ilā, no awoe'a ita ba wa'amafe, no tasaŵa wa'aoeri, me ta'omasi'ō dalifoesō; si lō mangomasi'ō, ba lō teboelō ba wa'amate.

1 Johane I. 5:11 Ba da'ō wamadoehoe'ō andrō: wa no ibe'e chōda Lowalangi wa'aoeri si lō aetoe, awō wa ba chō Nononia so wa'aoeri andrō.

Wama'ele'ō - Fama'ele'ō chō Johane 21:6 Ba imane chōgoe: No awai. Alafa ndra'o ba omega, bōrōta ndra'o ba amozoea. Ba zowōchi tōdō oebe'e nidanō goemboe, idanō fangorifi andrō, saoha gōlō.